
MINISTERUL EDUCAȚIEI
OLIMPIADA NAȚIONALĂ DE LIMBA RROMANI
ETAPA JUDEȚEANĂ
18 MARTIE 2023

ANUL VII DE STUDIU - GIMNAZIU

- Savorre subijèktură si musajutne.
- Den pen ivăṭe 10 pùnttură.
- E butăqo vaxt si 3 òre.

O JEKHTO SUBIJÈKTO

32 pùnttură

DEL PES O TÈKSTO

Arăt, dikhlòm k-o televizòro thaj p-o internèto so
Palal nište manuša vakărel pes amenqe vareso:
Ke von ziven and-e savorre lumjaqe thema,
Kaj but anglal avile andar i purani India.

Len na-i len jekh them, na bešen khethanes an-jekh than,
Kana avelas len jekh, lesqo anav avelas „Rromanothan”!
Kathe zivenas lošale: kăldărără, ričinără, xoraxane rroma,
Sinti, lovără vi savorre prinzarde rromane nămură.

Vi kana kadava them avelas but tikno,
An` lesṭe, le rromenqo gi ovelas užo vi baro.
Savorre lumjaqe rroma si sar nište phrala!
Von ziven khethanes sar but laṭhe amala!

O Laṭho Devel mukhlăs amen kadja:
Te phiras p-e droma andar i savorri lùmja,
Te kamas te bešas telal o *ćerxenărdo ćero*,
P-i zèleno ćar thaj pa-o zinzardo *kimpo*.

Si manuša save *mothon* so sam ćora vi khanile,
Von na prinzaren ke ame sam but pakivale!
Sam butărne thaj keras but šukar bută,
Kamas te na bistaras amari purani tradicia.

Žanas te das pakiv le phuren thaj le manušen
Sar sikaven e valòre andar o RROMANIPEN.
Rugisaras amen le Devlesqe t-ovas godăver vi BAXTALE,
And-jekh ćaço PHRALIPEN te avas PAKIVALE!

Rromalen, kaj aresle šerale vi bare manuša!
Te na bistren te maren tumen vaš amare ćorre rroma!
O Del te del tumenqe baxt, zor thaj but godi,
Te vastdel tumenqe an` tumari importànto buti!

Tume kaj san *simplo*, pakivale thaj baxtale rroma,
Ašunen so phenav tumenqe mirre kuć phrala:

Aven te keras nùmaj bută save si šukar vi lačhe,
Te sikavas ke ame na sam „ćora, nasul vi khanile”!

Te avas barikane ke sam baxtale, lošale vi godăver rroma
Kaj si amen jekh purani čhib kaj šukar vakăras la!
O Svùnto Devel te del tumenqe baxt thaj te avel amença,
Tiknorrença, ternença, phurença vi savorre amare amalença!

(Kon sam ame? – palal o Jonel Kordovan)

1. Xramosaren and-e 5-6 rëndură palal so vakărel pes and-o dino tēksto! **6 pùnkturnă**
2. Arakhen e sinonimură vaš e alava: *kimpo, mothol, zinzardo, vastdel*. **4 pùnkturnă**
3. Roden thaj xramosaren, andar o dino tēksto, trin zuvlikane navnă/ substantivură! Xramosaren savo si lenqo kēzo. **6 pùnkturnă**
4. Roden thaj xramosaren, andar dino tēksto, štar alava and-e save si phurdine grùpură! Sikaven sode silăbe si and-e kadala alava! **4 pùnkturnă**
5. Roden thaj xramosaren andar o dino tēksto trin rromane adžektivură/ pašnavnă! Xramosaren save substantivură determinisaren von. **6 pùnkturnă**
6. Roden thaj xramosaren andar o dino tēksto trin kernavnă/ vèrbură save si ka-o konžunktivo mòdo. Xramosaren k-e savo ženo si von. **6 pùnkturnă**

O DUJTO SUBIJÈKTO 58 pùnkturnă

1. Ambolden gažikanes o tēksto dino maj opre! **20 pùnkturnă**
2. Nakhaven i kernavni/ o vèrbo „sovel” ka-o sintetikano avutno vaxt thaj ka-o po but sar perfèkto vaxt! **12 pùnkturnă**
3. Ambolden and-i rromani čhib! **16 pùnkturnă**
 - a) În anul două mii douăzeci și doi, în orașul Alba Iulia, s-a ținut a douăzeci și una ediție a Olimpiadei Naționale de Limba Rromani.
 - b) Orașul Cluj Napoca este un oraș foarte vechi care are o importanță istorică pentru poporul român.
 - c) Sunt foarte mândru că studiez limba rromnai și că am reușit să particip, alături de alți elevi rromi, la acest important concurs școlar.
 - d) După absolvirea liceului, aș dori să urmez cursurile facultății de litere. Mi-aș dori să devin profesor de limba engleză și de limba rromani.
4. Keren jekh xramosaripen, and-e 15-20 rëndură, palal i tēma: „Sosθar si importànto te prinžaras amari història?”. And-o tumaro xramosaripen dikhena: **10 pùnkturnă**

O ander/ o koncinùto le xramosaripnasqo – 6 pùnkturnă

- Xramosaresa palal jekh-duj evenimēmntură andar e rromenqi història. **2 pùnkturnă**
- Sar d-aști/saj te keras prinžardi e rromenqi història. **2 pùnkturnă**
- Xramosaresa aver godă/ argumētură vaš kadaja tēma. **2 pùnkturnă**

O organizisaripen thaj o prezentisaripen e godănqo – 2 pùnkturnă

- o organizisaripen e godănqo – 1 pùnkto
- i originalitēta -1 pùnkto

E xramosaripnasqi redaktàcia – 2 pùnkturnă

- vaš e vortografiaqe règule – 1 pùnkto
- vaš e puntuaciaqe règule – 1 pùnkto